

1. runda umens activs 3. ligia:

Trin – Trun /4:5

La sesiun vargada eisi deplorableim bu reussiu alla equipa da star vinavon ella 2. ligia, aschia ch'ella pren ussa part al campinadi da 3. ligia.

Nus vein denton tuttina entschiet la nova sesiun cun bia schlontsch e motivaziun ed in bien spért d'equipa.

Igl εμπrem giug da campinadi ha giug la sonda, ils 5 da matg 2018, a Trin cun biala aura ed optimalas relaziuns per dar tennis.

Nus vein quater jugadurs ch'ein classai R6 e negin che leva propi dar sco nummera in. Il Yanick Pally ha surpriu quella responsabladad ed ha jugau encunter il sulet R6 da Trin. El ha mussa ina buna prestaziun, ei denton buca vegnius remuneraus per siu engaschi. Il noviz dalla equipa, Dario Albin, ha entschiet sia carriera da interclub cun bia motivaziun, ei ha denton bu tunschiu per gudignar il giug. Ils ulteriurs giugs singuls ein ir en favur dalla equipa da Trun, aschia che nossa equipa era cun 4 encunter 2 en avantatg.

Ils giugs da dubels han ils medems jugadurs priu en attacca, damai che nus vein giu quella gada negins jugadurs da reserva. Ils frars Pally, Luca e Yanick, han mussau in bien tennis ed ina fetg buna prestaziun, ei ha denton tuttina bu tunschiu per in success cumplein. Ils ulteriurs dubels ein stai ualti clars cun ina victoria per Trun ed ina per la equipa da Trin.

Il resultat final muonta aschia cun 5 encunter 4 per la equipa da Trun.

Suenter ils giugs ha ei dau ina buna tscheina ed in per bunas discussiuns cun nos emperneivels adversaris da Trin.